

Hais Txog Lub Nroog Pob Peev Nyiaj

Lub Nroog Madison muaj ob pob peev nyiaj xws li: **pob peev nyiaj nqis peev** thiab **pob peev nyiaj rau kev ua hauj lwm**. Tag nrho ob pob peev tib si tab tom npaj cov ntaub ntawv qhia txog yuav ua li cas rau Lub Nroog los siv nyiaj txij li Lub Ib Hlis Ntuj Hnub Tim 1 txog Lub Kaum Ob Hlis Ntuj Hnub Tim 31, 2025. Pob peev nyiaj rau kev ua hauj lwm yuav tsum sib npaug. Qhov no txhais tau hais tias lub nroog tsis tuaj yeem siv nyiaj ntau dua li cov nyiaj tau los ntawm cov se thiab lwm yam nyiaj tau los.

Cov Kev Lis Pob Peev Nyiaj thiab Lub Caij Nyoog


Kej Tawm Phiaj xwm	Cov Lus Thov ntawm Lub Koom Haum Sawv Cev	Pob Peev Nyiaj Tswj Fwm	Cov Kej Lis Txog Kej Cai Lij Choj
<i>Lub Ib Hlis Ntuj- Lub Tsib Hlis Ntuj</i>	<i>Lub Plaub Hlis Ntuj - Lub Xya Hli Ntuj</i>	<i>Lub Xya Hli Ntuj - Lub Yim Hli Ntuj</i>	<i>Lub Cuaj Hli Ntuj- Kaum Ib Hlis Ntuj</i>
<ul style="list-style-type: none"> Lub Tuam Tsev Hauj Lwm Saib Xyuas Nyiaj Txiag tau ua tiav qhov kev kawm txog kev siv pob peev nyiaj thiab cov phiaj xwm seb yuav siv cov nyiaj li cas Cov neeg tsim txoj cai lij choj txheeb xyuas txog qib tseem ceeb 	<ul style="list-style-type: none"> Cov koom haum sawv cev txhim kho thov pob peev nyiaj Cov neeg ua hauj lwm tshaj tawm thov rau tus tswv kav nroog thiab pab pawg neeg tshab xyuas sab hauv 	<ul style="list-style-type: none"> Tus tswv kav nroog txhim kho kev tswj hwm kev nqis peev thiab pob peev nyiaj rau kev ua hauj lwm 	<ul style="list-style-type: none"> Pawg Neeg Saib Xyuas Nyiaj Txiag thiab Pawg Saib Xyuas Kej Ncaj Ncees tuav lub rooj sib hais rau pej xeem thiab pov npav rau kev hloov pauv Pawg Saib Xyuas Kej Ncaj Ncees siv pob peev nyiaj

Cov nyiaj tau los: Cov nyiaj tau qhov twg los?


Cov nyiaj tau los yog cov nyiaj tau los ntawm cov se thiab tsis yog cov se uas yog tau los ntawm kev them ntawm cov kev pab cuam. Lub Nroog cov nyiaj tau los feem ntau yog los ntawm cov se vaj tse (71%; \$286.5 lab). Cov nyiaj tau los hauv zos, uas suav nrog cov ntawv tso cai, ntawv tso cai, kev nplua, thiab lwm yam nqi them rau kev pab cuam, thiab cov nyiaj tshuav ntawm pob nyiaj pab uas xam yog 18% (\$73.2 lab). Kev pab hauv lub xeev uas xam yog 11% (\$45.7 lab).

Qhov tseem ceeb lawm yuav tsum paub tias lub nroog muaj tsawg qhov uas khwv tau nyiaj. Piv txwv li, raws li lub xeev Wisconsin txoj cai lij choj, lub nroog tsis tuaj yeem sau se hauv zos los sis se ntawm cov nyiaj khwv tau los.

Qhov Chaw Khwv Tau Nyiaj
2024 Txais Pob Peev Nyiaj Pab Txhua Qhov



Kej Siv Nyiaj raws li Txoj Hauj Lwm
2024 Txais Pob Peev Nyiaj Pab Txhua Qhov



Kej siv nyiaj: Cov nyiaj mus qhov twg tag lawm?

Lub Nroog siv cov nyiaj tau los them rau cov hauj lwm niaj hnub thiab cov kev pab cuam tseem ceeb. Tag nrho cov nqi ntawm cov kev pab cuam hauv 2024 yog \$405.4 lab. Cov nuj nqis loj tshaj plaws yog saib xyuas pej xeem kev nyab xeeb thiab pej xeem kev noj qab haus huv, uas muab xam yog 42.5% ntawm pob peev nyiaj (\$172.4 lab). Qhov no suav nrog tub ceev xwm, hluav taws kub, kev kho mob xwm txheej ceev, thiab pej xeem kev noj qab haus huv. Qhov kev siv nyiaj loj tshaj plaws thib ob yog kev them cov nuj nqis, uas yog lub nroog yuav tau them rov qab cov nyiaj uas tau qiv los txhim kho mus ncuu sij hawm ntev hauv lub nroog kev txhim kho (15.8%; \$63.9 lab). Qhov kev siv nyiaj loj tshaj

plaws thib peb yog kev ua hauj lwm rau pej xeem, suav nrog cov kev pab cuam xws li kev saib xyuas txoj kev thiab chaw muab kev pab cuam, tsheb khaws khib nyiab, yawm daus, chaw ncig ua si, thiab lwm yam ntxiv (12.4%; \$50.1 lab). Pob peev nyiaj rau lwm cov kev pab cuam hauv lub nroog, xws li kev tswj hwm, tsev qiv ntawv, thiab kev tawm phiaj xwm, uas qhia nyob rau hauv daim duab qhia "Kev Siv Nyiaj raws li Txoj Ua Hauj Lwm".

[Kuv yuav kawm paub ntau ntxiv nyob rau qhov twg?](#)

- Txhawm rau tshab xyuas pob peev nyiaj tam sim no, thov mus saib hauv [Lub Nroog Pob Peev Nyiaj lub vev xaib](#).
- Yog xav paub ntau ntxiv txog pob nyiaj txiag tsis txaus, thov mus saib hauv [Lub vev xaib Kev Kwv Yees Txog Pob Peev Nyiaj Xyoo 2025](#).

[Lub Nroog Madison qhov kev kwv yees txog nyiaj txiag yog dab tsi?](#)

Lub nroog tab tom ntsib nrog muaj peev nyiaj tsis txaus. Qhov no txhais tau tias yuav tau siv nyiaj hauv kev muab kev pab cuam ntau dua li peb xav tias peb yuav tau los ntawm cov se thiab lwm yam nyiaj tau los. Qhov no tseem hu ua "qhov nyiaj tsis txaus fab kev tsim," uas txhais tau hais tias yog ib qho teeb meem tsis tu ncuu uas tsis yog tshwm sim los ntawm lwm feem kev lag luam. Peb kwv yees tias qhov nyiaj tsis txaus hauv 2025 yuav yog li ntawm \$27 lab. Qhov no yog qhov khoob uas loj dua li xyoo dhau los. Ib qho laj thawj tseem ceeb yog vim tias yuav yog thawj xyoo txij li thaum xyoo 2021 los uas peb tsis tuaj yeem nkag cuag tau rau tsoom fww cov nyiaj pab cuam vim muaj kab mob COVID. Lub Nroog yuav tau txiav txim siab hnyav heev txog cov kev pab cuam thiab yuav them rau cov kev pab cuam li cas.

[Peb tau ua dab tsi txhawm rau ua kom pob peev nyiaj sib npaug?](#)

Lub Nroog tau ua ntau kauj ruam txhawm rau ua kom pob peev nyiaj sib npaug txij li thaum xyoo 2011. Cov no suav nrog kev nce cov nyiaj tau los hauv zos thiab txiav tawm kev siv nyiaj. Qee qhov kev nqis tes ua siv los pab ua kom pob peev nyiaj sib npaug hauv xyoo 2024 muaj xws li:

- Txiaiv tawm kev siv nyiaj hauv txhua lub koom haum pab nyiaj txo li 1% (\$3 lab)
- Kev tawm phiaj xwm rau cov nqi hauj lwm uas tsis tau muaj neeg ua thiab cov nyiaj uas nce siab (\$2.4 lab)
- Kev siv li \$18 lab hauv cov nyiaj pab ib zaug nkaus xwb los ntawm kev kaw Cov Cheeb Tsam Sau Se Ntxiv (Tax Increment Districts, TIDs), Lub Nroog cov nyiaj tshuav ("cov nyiaj rau hnuv los nag"), thiab tsoom fww cov nyiaj pab los ntawm Neeg Meskas Tsab Cai Hais Txog Kev Npaj Cawm Siav (American Rescue Plan Act, ARPA)

[Dab tsi ua rau pob peev nyiaj tsis txaus?](#)

- **Cov nyiaj tau los:** Lub Xeev Wisconsin tau muaj txoj cai txwv nruj npaum li lub nroog tuaj yeem nce los ntawm cov se vaj tse thiab lwm cov nyiaj tau los. Cov kev txwv no tuaj yeem tiv tau peb cov nyiaj tau los kom txhob mus raws li kev nce nqi ntawm cov nyiaj los sis cov nqi uas nce siab zuj zus. Lub nroog cov nyiaj tau los tseem tsis tau tus tag nrho los ntawm kev kis COVID-19 thoob qhov txhia chaw.
- **Kev siv nyiaj:** Cov nqi siv nce siab zuj zus hauv txhua xyoo vim yog kev hloov pauv ntawm tus nqi nyob, nqi kho mob nce siab, thiab kev nce qis ntawm cov nyiaj. Madison yog lub nroog uas loj hlob ceev tshaj plaws hauv Wisconsin. Lub Nroog yuav tsum ntiav cov neeg ua hauj lwm tshiab txhua xyoo kom tau raws li cov kev xav tau rau kev pab cuam, xws li kev nyab xeeb rau pej xeem thiab kev ua hauj lwm rau pej xeem.

Lub Nroog cov kev xaiv muaj dab tsi xwb?

Lub nroog yuav tsum dhau pob peev nyiaj sib npaug tau. Qhov no txhais tau tias peb cov nqi (kev siv nyiaj) tsis tuaj yeem ntau dua li cov nyiaj uas peb tau (cov nyiaj tau los). Lub Nroog yuav tsum nrhiav txoj hauv kev los ua kom pob peev nyiaj sib npaug los ntawm:

- **Txiav cov nqi thiab txo cov kev pab cuam uas muaj rau pej xeem.** Qhov no tuaj yeem suav nrog kev txo qis pob peev nyiaj rau txhua lub koom haum sawv cev los sis feem ntau. Qhov tshwm sim yog cov neeg ua hauj lwm thiab kev pab cuam rau pej xeem yuav tsawg. Txhua qhov kev thov txo qis yuav tsum yog nyob rau hauv cov peev nyiaj pab feem dav thiaj li yuav cuam tshuam rau nyiaj tsis txaus. Kev txo qis rau cov khoos kas nqis peev los sis cov peev nyiaj rau kev nqis peev uas tsis yog nyiaj pab feem dav (xws li Dej Siv Hluav Taws Xob) yuav tsis pab ua rau muaj cov nyiaj tsis txaus.
- **Kev nce nyiaj tau los nkag rau hauv Pob Nyiaj Feem Dav.** Qhov no tuaj yeem suav nrog kev nce nqi rau cov kev pab cuam thiab cov nqi. Lwm qhov kev xaiv yog nug cov neeg pov npav tias seb lawv puas yuav pom zoo nce cov se vaj tse los ntawm kev pov npav. Kev pov npav yog qhov teeb meem uas cuam tshuam txog kev xaiv tsa uas cov neeg pov npav txiav txim siab. Kev nce cov nyiaj tau los ntxiv yuav tsum tau txais kev tso cai pom zoo los ntawm Lub Xeev txoj cai lij choj. Piv txwv li, Lub Nroog tsis tuaj yeem nce kev sau se muag tau.
- **Kev sib xyaw pes daws ntawm kev siv nyiaj thiab cov nyiaj tau los uas nce siab.**

Kuv yuav koom nrog cov kev lis txog pob peev nyiaj tau li cas?

- [Tiv tauj koj tus thawj coj hauv nroog](#) txhawm rau los qhia txog koj cov kev txhawj xeeb txog pob peev nyiaj.
- [Xa Email rau Lub Nroog Lub Tuam Tsev Hauj Lwm Saib Xyuas Nyiaj Txiag \(City Finance Department\)](#) txhawm rau los qhia koj cov kev txhawj xeeb los sis nug cov lus nug.
- Xa cov lus xam pom uas muab sau ua ntaub ntawv xa hauv email mus rau [Pawg Neeg Saib Xyuas Nyiaj Txiag](#) los sis [Pawg Saib Xyuas Kev Ncaj Ncees](#).
- Mus Koom Cov Rooj Sib Tham Hauv Zej Zog txog pob peev nyiaj. [lub sij hawm ntawm lub rooj sib tham](#) yuav muaj nyob hauv oos lais.
- Mus koom cov rooj sib tham txog pej xeem cov peev nyiaj ntawm Pawg Neeg Saib Xyuas Nyiaj Txiag thiab Pawg Saib Xyuas Kev Ncaj Ncees nyob rau hauv Lub Cuaj Hli Ntuj, Lub Kaum Hli Ntuj, thiab Lub Kaum Ib Hlis Ntuj. [lub sij hawm ntawm lub rooj sib tham](#) thiab cov kab txuas [tso npe txhawm rau los tham](#) los sis [saib hauv oos lais](#) yuav muaj nyob oos lais thaum ze rau hnuv sib tham.